

Agaricus trochiscatus, cassia, rharbarbarum, polypodium.

Syr. de multiplici infusione rosarum.

Electuarium Indum, diacatholicum.

Clystere validum plurimum proderit in catarrho vehementi, periculumque suffocationis minante, & decocto florum stœchados, maioranæ, saluiæ, calaminthæ, origani, maluarum, hordei, hiera picra, melle rosato, oleo violarum.

A validè purgantibus medicamentis hîc abstinemus, ne materiam grauantem magis ad fluxum irritemus.

AVERTENTIBVS.

Venæ sectio. Clystere prædictum. Vacuantia medicamenta.

Cucurbitulæ brachii, scapulis, natibusque affixæ.

Sudor excitatus cum decocto falsæ parillæ.

Frictiones extremarum partium, potissimum pedum, non capitis, & eorum continuus motus; trahitur equidem materia ad inferiora.

Ligaturæ dolorificæ.

Sternutamentum ex elleboro, castoreo, pipere, in principio tamen non conuenit, cum ex humorum motu eorum digestio prohibeatur.

Apophlegmatismi ex pyrethro, pipere, hyssopo, mastiche, cortice radicum capparorum, cubebis, uuis passis.

Gargarismus ex maiorana, hyssopo, origano, si tamen materia ad pulmones aut ad pectus ruat, aut si multum materiei sit subtilis, multumque moueatur, à gargarismate abstinemus, iis enim in casibus suspectus est usus.

Erthina ex succo ireos, betæ, maioranæ, cyclamine, pyrethro, semine melanthii, in materia frigida, ex succo violarum, aqua hordei, in calida.

L iij